

ՔԱՋ ՀՈՎԻԻ

Հովիւ քաջ, հովիւ բարի եւ առարինական...

ԱՐԵԱԼՈՑՍ ՄԻԻԹԱՐԵԱՆԻ

Երբ սուտ հովիւներ՝ մոռացած երդումն,
Մոռացած կոչումն եւ պարտքն հովական,
Որոնում էին վայելք աշխարհում,
Ո՛վ անսուտ Հովիւ, դո՛ւ էիր միայն
Գո անձրդ դընում հօտիդ փրկութեան,
Դո՛ւ էիր նորան եւ տէր եւ պաշտպան:

Երբ արծաթասէր, անարդ հովիւներ
Կեղեքում էին հօտը սեպհական.
Երբ ծածուկ, յայտնի, իբր աւազակներ,
Աւարում էին անխընայ նորան՝
Ով անկեղծ հովիւ, տառապեալ հօտիդ
Դո՛ւ տալիս էիր քո սիրտդ ու հոգիդ:

Թող չար հովիւներ աշխատեն խըլել
Հիմա քեզանից քո ցուպն հովական,
Թող նոքա ջանան որոգայթ փորել
Գո ոտների տակ, ո՛վ հալածական—
Հօտըդ ճանաչեց նոցա սեւ հոգին
Ճանաչեց եւ իւր պաշտելի հովին: